

بیرنجی مصنوعی اورگین پیوندی

اورک نوخوشلغو اثرینده جانین الدن وئرمکده اولان 40 یاشلی آنا انگلیستاندا بیرنجی دفعه تماماً مصنوعی بیر اورک آلماعینان یاشاییشا قاییتدی.

جام جم انلاین: اورک نوخوشلغو اثرینده جانین الدن وئرمکده اولان 40 یاشلی آنا انگلیستاندا بیرنجی دفعه تماماً مصنوعی بیر اورک آلماعینان یاشاییشا قاییتدی.

مهرین گوزاریشینده گۆره «ماتیو گرین» ایندی ائلیه بیله ائوده اوتوروب اورک پیوندین نوبه سینی گۆزله سین. آخی ایشدن توشموش اورگی بیر مصنوعی و پلاستیک اورگینن دگیشیب. اونون پلاستیکدن اولان اورگی اؤز انرژیسینی کوله پوشتی سینده کی باتریدان آلیر.

دئییله نه گۆره بو بیرنجی انگلیسلیدیر کی بئله بیر موقت و تماماً مصنوعی اورک آلیر. ایندیجه دن دنیانین با-باشیندا 900-دن چوخ بونا اوخشار جراحلیق اولوب.

گرینین دؤکتورلرین دئدیگینه گۆره بو پلاستیک اورک اولماسایدی او واقعی اورک نوبه سی چاتینجا دیری قالا بیلمزدی. دؤکتورلرین دئدیگینه گۆره بو بیرنجی دفعه دیر کی بیر انگلیسلی مصنوعی اورگینن انگلیستان خیابانلاریندا قدم وورور.

گرین تماماً مصنوعی اولان Sny cardia اورگینی موقت بیر اورک کیمی قبول ائله ییب تا اصلی پیوند نوبه سی یئتیشه نه جن عادی زیندگانلیغین ائلیه و همیشه 6 کیلولوق باترینی بئلینده داشیه تا پلاستیک اورک دؤیونمکدن دایانمایا.

بو وسیله واقعی اورک کیمیدیر و ایکی بطن و اورک دامارلاری وار اما اوزون موقت اوچون فایداسی یوخدور و نوخوش هر نه تنزراق گرك واقعی اورک قبول ائله یه.

لینک مطلب در سایت : <http://torki.tebyan-tabriz.ir/?MID=21&Type=News&id=116>